

福州文社詩拾

福州文史社詩刊



F 52616

宣統元年十二月

安徽印刷局排印

福州支社同人齒序

永福黃敬熙子穆

侯官黃春熙曜臣

閩縣何爾璣玉瑜

侯官周長庚辛仲

侯官林 葵怡菴

永福黃育韓欣園

閩縣歐 駿熙甫

閩縣林 紆琴南

閩縣卓孝復芝南

侯官陳 衍叔伊

閩縣李宗言畚曾

侯官方家澍雨亭

長樂高鳳岐獻桐

閩縣林 珩葱玉

閩縣李宗禪次玉

侯官方崑玉筱軒

侯官王允哲又點

閩縣李宗典唐臣

侯官劉 蘄楚漁

吾社凡十有九人存者僅余與琴南芝南叔伊又點楚漁
六人耳追念南皮之游不勝北邙之感詩拾刊於辛卯倏
忽將二十年板且散失丁未余訪琴南都門縱談舊事相
對欷歔者竟日曾約重刊而未果行客秋由贛改官來皖
旋有創設印刷之役部署匝歲日共手民爰檢篋中所藏
本付之排印以貽同好亦藉償前約云爾已酉嘉平宗言
校訖附識

福州支社詩拾序一

憶疇曩之暇樂究史編領繁於詮評尋緒於頭訖而神用既絀
博記弗強往往師丹善忘華嶠苦蹟雖案頭班馬慙對酒以呼
來而筆底丹黃輒掩卷而飛去羅胸文字如轉輪回入手縑紳
都成芻狗遂遍諮同志斬錫良方適李大畬曾偕其仲次玉時
亦讀史過余謀曰昔人鳴鹿依聲探驪懷古吾才不逮此例可
援果使擷要以命題藉珠而記事或者因提綿紀括太古以鏤
心造化小兒悔當初之鈍我於是其昆季掃席半榻閉香滿簾
邀白社之勝流作南皮之雅集乃刻銀燭割剡籐號召漢唐鞭
笞志乘殘灰黑劫掃蝸角而皆空古血銅花問狼牙其安在直

覺南天金粉醉入行間兩戒河山飛來紙上而余獨避人三舍
如拘魁父之邱藏甲一絲思遁修羅之孔同輩之稿每脫鯁生
之舌輒矯初唱蘭陵多集其舍林大琴南起爲要束曰七律一
道結響維艱儻使浮英不刊媚粉自傳則捫來敗籥難登太室
之庭撞破啞鐘不入鈞天之座又况華離前載斟酌謨觴獨不
思滿紙酸聲天胡此醉一枝禿管鬼解笑人而顧吹律失胸負
聲無力將欲懸鏡黃靈之始歆牲古夢之場得乎雖然傲步墳
素日締古歡觸緒煙霞亦饒天趣每當深杯笑倒獨月西流呌
石籟以高飛扶花魂而齊起莫不興隨風發神與天行分題和
靖之梅高詠支公之鶴涼釭寫葉蛩語圍紗寸楮摘秋雁聲墜

凡此則滿廬風雨起孤籟於毫尖何殊一卷滄桑探六朝於囊
底詠史而外所以不廢體物諸作也銅鉢一聲網軒三面年或
數集集或數人敲鏗以取洪吹吻以速藻互第甲乙高唱堂皇
引觥相酬籠燭始散余與琴南與集最多然而破硯短檠不醫
食指鞭絲輪鐵思走中原向平之婚嫁累人孫楚之風塵銳趾
鷗邊夢淺馬首天長明歲之春同人或供職郎曹或綰綬外秩
拂衣入洛重緇日下之塵飛夢過江學畫左司之戟一官來絆
七字遂拋回首爪痕難忘心血因以重撻楚夾謀授梓人而篋
衍巾箱散佚大半所得僅若干首顏曰福州支社詩拾誌韻事
永款憐也他日蘭臺史筆願諸君非文苑中人此閒秦望吟壇

福州支社詩拾

且哀稿付手民以去侯官周長庚

福州支社詩拾序二

紆幼時學爲短章多蕭寥悲涼之音響發而輒斷聲颺而不還
古人所謂文家之吃也儲稿徑寸憤而燼之遂不更作洎壬午
始友李畚曾兄弟觀其詠史諸詩於孝烈忠果之士抗聲悽吟
積淚滿紙心悅其同趣時周辛仲廣文亦未就官相與招邀同
人結爲吟社月或數集集必數篇吳錦舜英而神骨不靡則義
山之遺烈也盡銳拔萃而進無遺力則空同之後勁也獨紆才
力沈隄妄與諸子追角每營度欲出口吻聲鳴益悲操筆欲書
將下復止竟亦不能奇也軒轅彌明之譏吾足以當之矣顧踴
步百蹶而猶樂從諸子之後者古人蓄素以弼中散采以彪外

諸子既樂取孝烈忠果之士形而爲詩揣其情愫必有所近然則詩拾之刻藉之自鞭諸子及紓固不能無畀也閩縣林紓

福州支社詩拾目錄

讀留侯世家

謁季漢昭烈帝陵

金門島弔鄭延平

二首

柳蘼蕪妝鏡

萍

二首

新雁

王鈞斜

二首

表忠觀

二首

秋筵

三首

詠明烈皇平臺犒秦良玉

夕陽 三首

題吳梅村聽玉京道人彈琴歌後 五首

李後主 六首

陳橋驛

題吳梅村集後

桃花扇傳奇題後

讀碧血錄 二首

燕 五首

楊椒山故宅 三首

讀虬髯客傳

隋西苑 二首

金川門 二首

碁 二首

寒鐘 三首

和尚原 二首

題庾子山集後 五首

靈武 三首

三垂岡 二首

廢第 二首

福州文社詩拾

浣花草堂 三首

西臺懷古

過絳雲樓故址感作 三首

老兵 二首

冶春 二首

天下大師墓 二首

厓山懷古

老伶 三首

吳桓王 二首

病鶴

燈旅 二首

落花 二首

鈴山堂 二首

梅花嶺弔史閣部

新亭

復社 二首

土木堡

聶隱孃 三首

于忠肅 三首

蝶

岳墳

明世宗齋房

寒菜

琵琶

三首

譙東精舍

二首

螺磯廟

余闕祠

二首

塵

五首

辛幼安

五首

讀心史

五首

朝雲墓

七首

桂林霜題端

烏江

四首

追題完顏海陵吳山立馬圖

三首

福州支社詩拾

讀留侯世家

周長庚

辛

一笑坑中竹帛灰
橋頭人是六韜才
韓仇銜恨飛椎鐵
楚帳班護酒杯黃石收場同穴去
紫芝變節出山來
漢家四百年炎火赤伏功從項伯開

謁季漢昭烈帝陵

歐駿

熙甫

寢園享殿背城開
石馬無言上碧苔
據蜀雄心甯息壤
吞吳遺恨尙泉臺
淚零北地無乾土
魂返西川幾劫灰
樂不思鄉眞孺子
春風麥飯孰將來

金門島弔鄭延平

李宗言

翁曾



河山破碎義旗孤十七年中隻手扶骨肉全家甘北面荆榛萬里創東都紀年復觀黃初歷祖臘猶存赤伏符酒罷胡床灰壯志九原知有大聲呼

前題

李宗禕

次玉

陣雲橫海據雄都窮北王師駐鷗鵠荒徼奉行周正朔衰宗崛起漢胡雛乾坤草創開田島生死艱難戀趙孤東望將軍開戟地檳榔花發滿澎湖

柳蘼蕪妝鏡

林葵

怡菴

金粉秦淮墜月涼明妝雖掩影猶香秋奩時浣南朝淚春閣虛含合浦光淨洗塵心歸拂水解圓舊夢過橫塘門前負局何須

問羞與尙書照換裝

萍

何爾瓚 玉瑜

東風飛絮徧天涯又送銀塘夕照斜
萬劫浮生芳草渡一春情
種綠楊家乾坤納納思流水江漢勞勞夢落花
我過楚鄉歌楚些戲將薄采問煙霞

前題

黃育韓 欣園

江湖生世慣浮家點點春心蘸落霞
桃葉託根三尺浪柳棉幻
相半堤花碧痕飄泊隨魚蘩翠影零星上釣叉
楚尾吳頭歸未得年來蓬梗尙天涯

新雁

李宗禕 次玉

秋信誰家先一句哀絃欲絕黯傷神關山斷夢初黃葉時節驚
心又白蘋湘水淺寒無睡夜衡陽涼月未歸人南來枉訴羈愁
苦我已天涯十載身

玉鈎斜

周長庚 辛仲

雷塘色界黯紈繒疏盡垂楊月有梭玦外壞裙煙蝶冷酒邊殘
碣土花凝紫泉夢斷春無主白柰香銷淚已冰十六院門衰草
遍阿麼何地弔荒陵

前題

林紓 琴南

鏡裏頭顱所未曾內家叢塚掩秋塍燕釵宿膩銷黃土蝶路春
魂化錦繡總帳塵昏香唾碧迷樓人散淚花冰紅心草瘦垂楊

老明月無情自廣陵

表忠觀

林紓
琴南

羅刹江聲萬弩沈西風破葉廟門深降旛不種兒孫孽社酒從
知父老心五季功名餘券鐵兩州將校尙碑陰熙甯制詔眉山
筆忠孝文章照武林

前題

陳衍
叔伊

祝聖明湖禱祀深廟門黑箐晝陰陰鼙聲臥榻關衣帶歌舞春
燈話餅金鐵券賜書錢氏誌錦城降表李家心如何五代歐陽
史曲筆傳疑訟到今

秋笳

黃敬熙
子穆

西涼舊曲遏雲高絕塞聲隨旅雁翔
蔡女秋來和淚拍胡兒夜半棄園逃
氍毹庭咽月邊愁緊蠹幕饕風戰血
臊誰捲祁連萬蘆葉遍吹鄉夢過臨洮

前題

黃春熙 曠臣

鷓鴣調變北風臊越石年來感鬢毛
角徵愁搏鄉淚落蘆葭勁奪漢聲高
長河一曲停蕃騎涼月三更上戰袍
試拂曼胡纓上露戍樓黯黯望臨洮

前題

何爾璜 玉璣

西風如割裂征袍蘆葉蕭蕭繞磧號
魚海詩愁生鬢篋龍庭酒淚落葡萄
千山作氣邊霜緊萬馬回頭漢月高
拍遍文姬聲十

八胡琴羌笛不能豪

詠明烈皇平臺犒秦良玉

周長庚 辛仲

紅袖擎天入上林
鸞章親慰美人心
猗猗山水鍾雌兔
遼海星霜照鐵衾
花誥承恩中婦拜
佩刀行炙禁門深
他年鐵券南來日
淒斷桐絲寡女琴

夕陽

周長庚 辛仲

荒煙衰草古雄州
鐵笛橫風上畫樓
六代殘山清磬晚
一天寒色斷霞秋
故宮鴉影消塵劫
平坂騾綱緊暮愁
三十六鷗亭黯黯
荻花如夢送歸舟

前題

林紓 琴南

雁聲吹落萬家秋一段依微鬱古愁
眼底平蕪連故郢風前匹馬望洮州
樓臺長笛人如畫城郭垂楊水自流
楓樹紅酣鱸鱖上詩心一一逗歸舟

前題

李宗禕 次玉

黃昏樓上唱伊州繪出西來一片愁
舊夢有絲支短策歸心無際滯孤舟
雁邊寒色千行雪鴉背殘痕數點秋
望斷天涯人悄悄銷魂不獨水東流

題吳梅村聽玉京道人彈琴歌後

何爾瓚 玉璫

丹山雞鳳碧城鸞一曲哀歌老淚彈
同命求凰傷綠綺脫身騎鶴慕黃冠
琴河風雨金徽冷瓊觀兵塵玉樹殘
唱斷開元舊詞

客聲聲幽怨寫烏闌

前題

黃育韓

欣園

白下相逢識彩鸞青衫憔悴對黃冠江山入破冰絃冷風月無
情玉塵寒庾信文章留涕淚吳孃脂粉憶叢殘傷心鼙鼓山塘
急天寶年來淚未乾

前題

林紓

琴南

秋夜橫塘曲宴闌玉人半老去長干六宮風雨移行帳一夕滄
桑換女冠北地人歸花事盡南朝夢醒徵聲寒可憐萬種淒涼
曲偏向蟲沙劫後彈

前題

李宗言

命曾

水榭西風打面寒
琴絲流怨滿江干
落花情重纏綿甚
冷燕春深去住難
舊院重來馱細馬
蕭關一去恨離曲
鸞中無限傷心事
併入沅湘九畹蘭

前題

李宗禕 次玉

玉顏蒙遣出長安
重到江南訴舊歡
未覩裙釵空入道
感時歌曲屬流官
眼中紅粉無家別
絃外青衫行路難
彈指年華兒女恨
大功坊底淚花寒

李後主

何爾瓚 玉璣

金屑檀槽醉舞銷
兵塵草草換前朝
款書肯逐降王梃
奉使虛隨騎省輶
天水碧侵瓜步月
鐘峯青隱秣陵潮
淒涼一闕家山

破淚滿江南廿四橋

前題

周長庚

辛仲

家山吹破一枝簫
並蒂花開姊妹嬌
天水君臣刀出鞘
建康日夜酒如潮
掖庭金葉擣蒲地
別殿珠光步障宵
惆悵五更春去後
羅衾偎雨夢南朝

前題

林葵

怡菴

柔儀鐘漏寒中永
鍾阜烟花夢裏銷
獅子國王勞不耐
鴛鴦寺主福能消
二分明月捐團扇
一道清淮送畫橈
白髮傷春徐騎省
虛隨龍袞話南朝

前題

林紓

翠南

吳王宸翰麗丹霄墨史猶能記李超羅襪夜涼過別殿落花詞
愴入靈簫千秋局最金陵短一脈魂隨玉樹銷惆悵南來徐騎
省舊恩戀戀作烏朝

前題

李宗禕

次玉

官家才調翰林超姊妹承恩辦早朝秘殿有風新破脆御樓無
月寶珠嬌凌波事去黃花縮平旦春歸細雪飄喚醒櫻桃花底
夢子規啼後易魂銷

前題

王允皙

又點

秦淮明月可憐宵御苑珠光鎖翠翹八姓帝王殘劫盡兩家父
子舊恩銷重圍短夢臺城局終古寒聲建業潮金屑檀槽金葉

格澄心風雨送南朝

陳橋驛

周長庚 辛仲

墜地香孩二十年雀兒王氣已無天干戈五季收全局檢點中
宵託醉眠玉斧劃殘河朔版刼灰笑問華山仙史官莫諱黃袍
事憶否黃旂匹馬前

題吳梅村集後

林紓 琴南

腸斷宣南舊直廬巢由迎拜侍臣車疚心忠孝生低首嚼蠟功
名老著書講院春風殘淚在夷門秋月舊盟虛宦情輸與錢龔
老華省宮袍照佩魚

桃花扇傳奇題後

林紓 琴南

梨園唱澈孔云亭遺老筵前酒半醒
粉黛湖山新樂府兵戈藩鎮小
朝廷河房士女傳殘畫舊內樓臺鏽
故釘輪與橫波夫婿貴揚州檀板演
燈屏

讀碧血錄

周長庚

辛仲

熱腸如火走燕臺慘黑乾坤字字哀
東廠奇冤天半醉若盧忠骨刼全灰
淚痕滿紙招雄鬼時事埋名記黨魁
從此朱明元氣盡米脂消息李花開

前題

高鳳岐

歎桐

廠衛傳呼壁挺來酸風振地起黃埃
文章變相書冤獄枷鎖流香入夜臺
明社未墟清議力黨人同燼亂根胎
傷心更有朱生

記鬼董端須稗史才

燕

林

葵

怡菴

風景江南幾落花年來王謝已無家
倉琅一啄皇孫恨玳瑁雙棲少
婦嗟大廈依人曾幕上深秋如客
尙天涯淒涼飛入陪京感百尺磯
頭日又斜

前題

黃育韓

欣園

萬里輕身感髻華傍人門戶又天涯
相逢歸路長堤柳小訴春愁別館
花新雨簾櫳寒食節春風鎖鑰故
侯家六朝興廢無心管零落烏衣
日又斜

前題

林

紓

琴南

煙際鬆聲掠碧紗
亭亭白柰雨絲斜
一彎屨路妝樓柳
十面珠簾秘殿花
畫棟秋風曾小劫
疎蕪落日又誰家
莫愁湖上休相見
曲院於今祇斷鴉

前題

卓孝復

芝南

蹴盡江南十萬花
回頭歸路又天涯
春風金粉烏衣巷
秋雨簾櫳碧玉家
客子身輕頻去住
主人情重閱年華
眼中興廢知多少
憐取梁閒落照斜

前題

李宗禪

次玉

相傳王謝已無家
朱雀橋邊歇鈿車
輕剪顛風梁苑水
遺釵冷雨杜陵花
夢回舊鎮樓空掩
腸斷離宮日易斜
莫唱鬱金堂上

句秋來爲客各天涯

楊椒山故宅

李宗言 笛曾

數盡更籌寫諫章忽驚嚴譴下天閭千秋正氣文丞相三字奇
冤岳鄂王枷鎖陰風哀詔獄松筠冷雨自虛堂卽今炸子橋邊
路十丈塵沙滾滾黃

前題

高鳳岐 獻桐

松筠祠樹鬱蒼蒼四十功名員外郎廠衛腥風飛血肉牢城夜
雨下銀鐺淋漓廟碣鐫遺疏來往靈旗住帝鄉至竟鈴山堂在
否誤人王氣笑南昌

前題

李宗禕 次玉

分宜蕪沒舊時堂輦轂千秋祀老郎孽海有波生詔獄天閨無
路叩齋房草荒狄道殘碑偃春入神京廟樹香想到吟詩西市
日三官牋奏正膽黃

讀虬髯客傳

林紓
琴南

朔風吹雪上吳鉤兒女英雄孟浪遊客路恨無贗巨眼酒杯我
不懼仇頭稗官着意描三俠劍客何才王一州自是阿廢天意
盡豈關心折太原裘

隋西苑

李宗禕
次玉

玉樹凋殘恨未銷長歌清夜徹雲霄承恩四品宮娃貴從幸三
千殿脚嬌禁樹着花春剪綵院門臨水晚通潮君王更說江都

好南望迷樓萬柳條

前題

李宗典 唐臣

洛城月墜可憐宵
草綠宮門輦路遙
三島樓船阿監醉
百花臺殿美人朝
祇今板渚空飛絮
此去燕城已暮潮
千載傷心清夜曲
寄聲吳女莫吹簫

金川門

林紓 琴南

瓜洲渡口陣雲陰
蕃騎排山卷甲臨
骨肉豈關燕邸事
干戈隱痛孝陵心
幽蘭刼急王孫在
貝葉聲乾佛火深
家事與人姚廣孝
袈裟病虎亦銷沈

前題

李宗言 甯會

倉皇父老愴鑾音
百道燕師動地臨
家賊竟張侯景餓
路人曾識馬昭心
北門鎖鑰黃旂偃
南國衣碧冠血沈
一領袈裟三尺牒
孝陵回望涕洟深

碣

李宗言 甯會

磯頭寒色作黃昏
縷縷閨愁赴塞垣
萬帳蒼涼征土夢
一秋辛苦美人恩
涼州雁候霜侵瓦
湘岸篷陰月滿村
留取殘衫鄉淚好
丁寧莫浣去年痕

前題

李宗禕 次玉

惻惻西風斷客魂
孤城白帝近黃昏
離人天外寒先到
少婦樓頭夢不溫
木葉三秋霜在杵
長安萬戶月當門
太平行唱刀環

曲重檢巾箱浣淚痕

寒鐘

林紓

翠南

一杵楓林破月幽雲心滯在幾層樓
旅燈穗外支吟榻佛火光
中擱茗甌夾道亂梅靈隱寺半篷殘雪
廣陵舟年來我亦曹谿
客鬢帳霜高葛帳秋

前題

方崑玉

後軒

萬壑千山第一樓蒲牢聲裏坐披裘
星芒上界搖初動霜氣寥
空散欲流客况姑蘇殘夜月詩心太華五更秋
人間應醒繁華
夢冷煞邯鄲舊枕頭

前題

李宗典

唐臣

詩家張繼擅風流寫出姑蘇一段秋黃葉空山何處寺疎林古
刹最高樓冷龕落月僧無夢短枕新霜客易愁我憶趨班長樂
曉雪花斜擁紫貂裘

和尚原

周長庚 辛仲

寶雞飛鏑下倉皇孤柵當衝百戰場鹵甲直躋關左右錦城長
護宋金湯隴坻蕃騎逃烏魯兄弟威名震鳳翔宵旰不勞西顧
慮三巴完璧報君王

前題

李宗緯 次玉

百蜀藩籬首鳳翔陣雲橫囓漏天長節樓面隴當來路鹵騎排
山向戰場史筆北朝存淨土儒冠南產起戎行歲時父老酬功

地簫鼓春祠配武鄉

題庾子山集後

周長庚

辛仲

雀航南走血模糊滿地蟲沙虎節孤妻子一肩驅左陝兵戈十
死竄長途江關晚序空才調秦隴微官老腐儒回首都亭三日
淚不堪狼望話黃圖

前題

黃育韓

秋園

刀環夢斷舊南都蕭瑟文章劫淚枯名士不辰生亂世故家何
處竄窮途江潭搖落吳霜冷詞賦悲涼隴月孤剩有小園梧竹
在芳林宮館已榛蕪

前題

林

紓

琴南

亂後臺城長綠蕪
枇杷遺堞又啼烏
名流墜劫文章賤
殘貴登場地望孤
兵柄兩朝虛笠轂
臣家一水戀蒹蘆
不知璧月瓊花輩
解續江南賦手無

前題

李宗言 畬會

吹沸臺城萬鬼呼
竄身關隴一詩臞
才名早歲千金價
患難餘生八尺軀
犬馬有心思廟社
文章無命託江湖
徐陵老去王褒死
風骨珊瑚共畫圖

前題

方家澍 雨亭

風雨秦關使節孤
故園回首莽榛蕪
石頭劫火家何在
夏口殘潮淚又枯
北史只贏文苑譽
南冠重綰縣侯符
暮年腸斷河梁

別王克歸舟獨入吳

靈武

周長庚

辛仲

佳兒晚鼎太匆匆安史狼煙火尙紅
哀咽璽書方討賊倉皇行帳已呼嵩
六飛長棧郎當恨諸將孤城擁戴功
貞觀回頭家法在乾綱和淚付東宮

前題

林

紆

琴南

范陽賊騎扼臨潼車駕西來宿衛空
三輔河山懸帥府九天符璽落儲宮
軍中奇貨眞龍種劫外生棋走狗功
蜀道望歸歸底事南宮葉落雨濛濛

前題

李宗禕

次玉

十萬胡塵黯故宮六龍銜轡出關中金鈴蕭瑟淋秋雨銅輦淒涼犯朔風父老歡聲秦鹿在君親暗淚蜀鵲紅劇憐河北猶烽火一局彭原博未終

三垂岡

林紓
琴南

秋聲挾淚入檀槽上黨行轅曲宴豪將種開塲先慷慨老羌晚節忽風騷兩河兵力朱梁橫一角棋心晉絳高原廟空餘三矢在愁臺咫尺亦蓬蒿

前題

王允哲
又點

沙場酒罷碎檀槽獵獵秋聲捲戰袍汴館風雷天意在河津煙火劫塵高羅平妖鳥中原滿朝定孤雛蓋代豪魂斷絳霄殘渴

夜鷹坊霜露泣弓刀

廢第

黃育韓

欣園

繁華如夢憶當年風雨朱門罷管絃樓閣半空寒落日簾櫳一
帶冷秋煙無情衰草埋歌席有恨幽花戀舞筵豈獨烏衣興廢
感銅駝荆棘洛宮前

前題

李宗典

唐臣

朱門舊夢冷於煙樽酒重過夕照邊歌舞只餘巢幕燕繁華都
付怨春鵲蕭蕭池館花如泣黯黯樓臺月自圓鄰叟不知興廢
感對人猶說賜居年

浣花草堂

周長庚

辛仲

杜曲殘生淚兩行百盤雲棧困鶯鶯空山橡栗艱餬口滿地江湖總斷腸茆屋秋風寒一老麻鞋行在悔他鄉年來骨肉無家別妹在鍾離弟遠方

前題

黃育韓

欣園

蜀江水碧蜀山蒼萬古人間一草堂節使旌旗三度宴諸侯賓客十年狂死生忍記奔行在貧病應憐寄異鄉回首江樓諸弟妹幾人相憶在襄陽

前題

林紓

琴南

彭衙憔悴卸琴裝滿眼兵雲玉疊長西狩六飛曾棧道北征一老此溪堂釣竿天與先生健檠戟花迎節度香幢竹蕭蕭秋四

壁不堪回首望襄陽

西臺懷古

歐駿 點市

獨上荒臺淚血飄歌殘晞髮恨難消文章信國真知己氣節嚴
陵合見激雲氣有時下朱鳥江聲終古咽南朝竹枝敲碎悲風
冷天地蒼涼唱大招

過絳雲樓故址感作

周長庚 辛仲

東林一席黨魁尊艷夢偏從亂後溫宦海新愁銷樂部故家餘
淚盡宮門兩朝簪笏仍蘭省半規河山自宛村淒絕虹橋人去
後渡頭誰與唱桃根

前題

林紓 翠南

奄兒覆手碎乾坤北上王褒獨拜恩
東澗顏唐新閣老南都零落舊巢痕
文章盟主同芝麓忠孝門生得稼軒
晚節且依鐙席去陪京遺事忍重論

前題

林珩
葱玉

寶玦飄零剩淚痕雨花臺上月黃昏
秦淮法曲千門曉東澗詩才一席尊
夫婿兩朝紅杏夢美人生世杜鵑魂
仙家若問淮南犬不恨梅村恨宛村

老兵

黃育韓
欣園

打疊金瘡七尺軀十年帳下白頭顱
射鵰身手雄心在臥虎因緣舊夢辜
落拓弓衣歸上黨頽唐杯酒醉飛狐
驚魂怕憶年時

事黑夜軍書募備胡

前題

林珩 慈玉

眼見沙場戰骨枯歸來戍卒白髭鬚
關山萬死隨都護鄉里同聲壽健奴
舊夢龍堆傷下走餘生馬革得全軀
聖朝到底恩衰朽不遣弓刀再備胡

冶春

卓孝復 楚南

霏霏頽綠嫩煙收爛醉扶頭上紫騮
詩外鶯聲何許路鞭梢柳色不曾秋
樓臺玉笛三分月士女瓊花六代愁
爲戀吳趨歌一曲紅衫青笠問揚州

前題

李宗言 金曾

綺陌韶光眼底收，酒痕狼籍與勾留。
連番雨意門前路，到處鶯聲水上樓。
裙屐年年觴板渚，煙花歷歷記揚州。
秦嬈艷夢無人喚，散作江南十斛愁。

天下大師墓

林紓
琴南

燕師動地迫長安，隧道淒涼行路難。
直北風沙華表在，江南松柏祖陵寒。
瓣香豈列郊壇祀，玉匣眞成塔廟看。
高帝子孫今孰是，當年多事學蕭鸞。

前題

陳衍
叔伊

御製園陵短碣刊，敝緇前事溯辛酸。
月兒半缺袈裟冷，燕子高飛骨肉殘。
碑石宜人名姓假，梅花和尚劫灰寒。
成王至竟今何處，飛骨殘碑石亦殘。

在祇作宮中老佛看

厓山懷古

林紓
琴南

翠華風雨望臨安一火厓門壁色丹行帳南來龍種盡大江東
走雁聲寒海師將帥眞孤注舟國君臣亦大觀淒絕鐵繡衝擊
日有人囚服倚蓬看

老伶

黃春熙
曜臣

西風吹冷鬢成秋回首梨園祇淚流十載豔名尊樂部一聲變
徵換涼州天涯日暮何處在江左花時杜老愁莫唱鬱輪袍一
曲年來七貴幾王侯

前題

黃育韓
欣園

風情漸老怕花羞意是當年菊部頭檀板春風天寶恨箏琶夜
月廣陵秋旗亭聲價虛同調錦瑟年華數舊游話到江南淪落
感青衫搵淚唱伊州

前題

林紓
琴南

太常屬籍幾經秋記作箏人未裹頭廣幔施燈猜舊夢殘衫被
酒說牢愁華年似水憐紅豆膳粉如塵褪絲韉莫過江南遊冶
地琵琶是處是歌樓

吳桓王

林紓
琴南

會稽遺堞晚蒼蒼總角英雄馬槊強赤壁大功歸愛弟丹陽首
事得真王僮奴禍踵岑彭局雄鬼名依項籍香我過江東開戟

地劍花片片上吳霜

前題

李宗禕

次玉

將軍家世繼龍驤轉戰威名震豫章
散卒兵戈歸舊部孤兒印綬領殘疆
幕賓座上同年友家弟江東異日王
一掬鏡中魔影淚皖江春水散鴛鴦

病鶴

黃敬熙

子穆

遼海霜高夜聞寥
襍縱無計更冲霄
不堪風露深宵怯
莫問煙霞痼疾銷
天許清癯爲壽相
人從憔悴想高標
年來丰采增消瘦
寒煞臨臯赤壁簫

旅燈

黃敬熙

子穆

野店匆匆又卸鞍，風搖泥壁一星寒。
伴人欹枕秋無睡，待我登車夜欲闌。
剪向家書慵碾墨，挑憐倦僕起傳餐。
熒熒一樣朱門裏，不照分離照合歡。

前題

周長庚 辛仲

子規聲裏破箐寒，羈淚無多照到乾。
獨枕關河燒燭短，離亭風雨別花殘。
昏昏隻影人無夢，耿耿鄉心夜未闌。
最是五更催客起，馬頭星火上長安。

落花

黃春熙 曜臣

錦片年華得幾遭，不歌美滿賦牢騷。
感深杜牧重來葉，夢冷劉郎去後桃。
內苑月高閒羯鼓，舞筵風緊寂檀槽。
可憐一夕胭脂

雨紅淚星星上錦袍

前題

周長庚

辛仲

昨宵風雨下江皋
催動愁懷入楚騷
十里酒痕香在地
六朝春色水平篙
西宮錦瑟恩中斷
南浦離觴醉不豪
彈到沁園春一曲
淒涼苦調咽檀槽

鈴山堂

林紓

琴南

閣老威名地望尊
伊誰敢叩夢山關
一時相業青詞貴
十載書聲白屋存
偃月燈光人下直
格天詔墨鬼啼冤
歡場試味歐陽語
春夢回頭問舊痕

前題

李宗言

畱曾

丞相微時白屋存停鞭一弔介溪魂
奸雄礪志譙東舍經術愚人安石墩
門下兒孫看繼起九原寮屬半銜冤
威名爾許經灰土齋閣森嚴記拜恩

梅花嶺弔史閣部

周長庚 辛仲

維揚煙雨黯平蕪碧血痕消短碣枯
萬樹寒香忠骨冷二分明月墓門孤
南來小腆沈曹部北望思陵痛鼎湖
四鎮不和臣力瘁建康愁話帝王都

新亭

周長庚 辛仲

寓公一醉盡英流太息吳天景物秋
龍虎江山今日宴鯽魚身世過江愁
故家才望猶京洛南渡衣冠此石頭
七馬不歸胡地

闊酒邊橫涕話神州

復社

林葵 怡菴

黨局千秋有是非枉將鸞翮禁高飛過江氣節論杯酒亂世文章重布衣東晉琴樽名輩盡南皮裙屐舊人稀主盟不數羅昭諫僥倖黃河脫網歸

前題

林紓 琴南

贅閣遺醜復牙緋十廟圍陵指顧非刀鋸同心甘黨禍鶯花淚眼看京畿千秋東漢翻藍本半壁南朝釀殺機輸與嬉春侯雪苑朱樓夾道戀斜暉

土木堡

林紓 琴南

軍聲夜走鐵浮圖宣府沙寒戰鬼臙南牧疊端挑馬市北行兵
事誤璫奴氈廬劫火從官燼帳殿陰風法駕孤京國同聲歌雨
帝君王料到奪門無

聶隱孃

周長庚 辛仲

女龍飛去革囊空紙衛雙馳鞚曉風故國居停恩眷短中宵幕
府血花紅劍仙生計齊竿濫梵嫂門徒楚鐵雄若問南州舊明
鏡雛年夫婿首山銅

前題

林葵 怡菴

金元蒜醋良齋翁黑衛紅綃寫照工畢竟初心成負負何曾妙
手抵空空江湖盜賊如毛會兒女恩讎一映中老大不堪論劍

術容卿沈醉臥春風

前題

黃育韓 欣園

禿袖蠻韉結束工女郎花映戟門紅碧山證果三年業朱邸酬
恩一劍功刁斗森嚴羅警犬旌縹渺下驚鴻相期磨鏡歸山去
不識人閒李衛公

于忠肅

周長庚 辛仲

擔起殘山一鐵肩虺雄落膽走三邊朝班力破南都轍法駕生
歸朔塞鞭聖主乾坤今再旦老臣功罪古無天建炎宰相君知
否五國刀環不計年

前題

王允皙 又點

儒臣仗節起籌邊
甌脫胡塵接塞羶
家事艱難靈武局
國羞僥倖靖康年
兩宮恩怨生前史
一髮河山劫後天
熱血人間無地灑
南枝咫尺共啼鵲

前題

李宗典

唐臣

北來劍騎煽全燕
十廟河山付一肩
閣醜同心謀偃月
元僚無命畫凌煙
血光直照長安市
妖讖重圓大統天
千載祠堂鄰伍相
銀濤白馬自年年

蝶

林紓

琴南

噙香抱粉度江城
又熱高樓蕩婦情
屨上細香纖草路
鈴梢殘夢墜花聲
雨風時節當春瘦
萍絮生涯受劫輕
嬾唱祝英臺近

曲年年芳塚弔卿卿

岳墳

黃敬熙

子穆

鐵人春鏽滿身苔華表陰風墓道開
詔獄冤成王貴手廬山禍
早魏公胎朱仙劫燹隳殘局白馬潮聲接夜臺
綠遍六橋楊柳
色魂歸長作黍離哀

明世宗齋房

何爾瓚

玉璣

橫空複道接神霄鳥使雲旗日月招
丹詔每從芝殿降青詞長
奉竹宮朝飛龍睿想留金鼎引鳳仙
才謝玉蕭莫向祈年談永
壽玄都世廟已煙銷

寒菜

黃育韓

欣園

斷齏况味十年難風露秋來飽一餐未下鄉心商食譜吳興秋
思動閒宮英雄冷落門長閉地主清貧鐵枉彈騰臭京華梁肉
輩不知人世有酸寒

琵琶

林葵
怡菴

絃索誰當賀老場百年妙手幾曹綱人言軟調歌能治老笑邪
聲技未良江國魚龍秋寂寞天山狐兔夜蒼涼欲伸中國堂堂
氣洗耳瑤琴鼓數行

前題

林珩
葱玉

裂帛尊前話醉鄉玉脂連鎖少年場紫槽壓月紅綃賤牙撥鳴
秋翠袖香自笑阿咸今落拓卻因頓老感滄桑小蟬零落風情

滅閒殺人閒一媚娘

前題

劉 蕲 楚漁

淒緊胡聲屏四箱眉山老愛品龍香兩行朱字誰新賞一夕秋
江已斷腸哨地雪光郎主帳畫樓燈影妓師坊善才去後興奴
老孰向寥天數雁行

譙東精舍

李宗言 甯會

梁沛風雲動沈寥乾坤睥睨一團瓢中原喪亂爭秦鹿初地英
雄薄漢貂獐水早胎銅雀局襄陽首屈臥龍超十年冰雪鈴山
老一樣收場愧後凋

前題

劉 蕲 楚漁

三椽風雨百靈朝橫掃中原霸氣驕豪傑起家輕簿尉孝廉小
隱謝賓僚桓靈鹿走妖巢滿梁沛龍潛漢火銷至竟當塗誰尺
土高陵秋草亦蕭蕭

螺磯廟

高鳳岐
獻桐

遺廟中蟠俯兩州已無尺土屬孫劉江東骨肉羸降表白帝君
臣泣楚囚秦晉兩家餘淚盡蜀吳一水此生休麀家更抱生兒
恨塊肉長貽漢室羞

余闕祠

黃敬熙
子穆

皖公秋老黯狼煙濺起孤塘碧血鮮姑孰江聲飛鬼箭淮南山
色冷神絃命懸巡遠嬰城日淚盡斬黃禦寇年色日英雄眞第

一更餘蘭芷滿詩篇

前題

林紓 琴南

狐臣嚙指誓吳天半壁長淮死控弦
安史禍深天寶日襄樊事
去理宗年萬重戰骨金城月一曲
神絃皖水烟忠節坊西松檜
碧可憐異代識公賢

塵

何爾瑣 玉璣

水火風輪萬劫飛乾坤眼底是耶非
樓臺十二浮珠氣世界三
千幻鐵圍官罷萊蕪荒客甌人來
京洛點朝衣望空莫學低頭
拜車下巢由久見譏

前題

周長庚 辛仲

車箱小隊黯斜暉
馬背風痕捲地飛
夾仗爭趨當道熱
九霄高起出身微
更無世路容團扇
豈有天心妒白衣
自笑京華拋不得
年年十斛壓裝歸

前題

林葵
怡菴

天麟淪謫欲何依
范甌虞牀世亦稀
三島神仙東海劫
一菴風雨北山扉
臥思獨夜靈犀抱
心逐高秋健隼飛
黯盡輪蹄行旅色
願持香水浣郎衣

前題

李宗緯
次玉

紫陌繁華事總非
風中簸弄竟誰衣
混於濁世飛揚慣
投入清流解脫稀
障面有人愁暮氣
藏身無地避朝暉
年來不熱京華

夢大笑歸山一拂衣

前題

劉 蕡 楚漁

漫天十丈黯芳菲
話到陶輪世界微
京洛九衢傳輦出
甘涼萬里潰圍飛
蟲沙得氣搏形幻
龍漠無情出劫稀
我有靈犀心一點
多應不浣芰荷衣

辛幼安

何爾瓚 玉璫

歷下歸來更據鞍
一軍飛虎自登壇
文章馬上歌腸熱
武庫胸中虜膽寒
大筆不慚繼蘇柳
中興可惜後張韓
稼軒專集雄心在
莫作詞場側調看

前題

林 葵 怡菴

錦韉突騎憶登壇萬丈凌雲氣鬱蟠南渡金縉時局換東郊花
木歲華殫中原方駕曹劉少曠代論才管樂難說與改之同甫
輩長留青史後人看

前題

黃育韓 欣園

突騎南歸劍氣寒書生捫蝨話辛酸渡江人物尊詞伯故國威
儀見漢官北固青山餘淚眼南園杯酒卻新歡懷英遠別龍洲
去烟柳斜陽倦倚闌

前題

卓孝復 芝南

六韜在手走臨安莫作聶蘇鐵板看亂世書生新幕府殘年行
省老流官南園宰相誰鷹犬稗史文章玷鳳鸞一死猶銜人世

恨鬼聲呼上鴿王壇

前題

李宗典 唐臣

青兕精靈劍氣寒
鹵庭試手縛樓蘭
虎頭骨相詞人命
馬槊生涯侍從官
北固江山題墨徧
南園賓客脫身難
弋陽一夕祠堂記
地下田橫搢淚看

讀心史

黃敬熙 子穆

憂時熱血付蒿萊
晚歲星霜百感摧
空谷幽蘭誰共賞
故宮離黍最堪哀
不忘典午柴桑志
別有春秋涑水才
東越風流兩遺老
一編晞髮弔西臺

前題

何爾瓚 玉璚

野史龍南集已灰鐵函沈井劫餘開手扶天水如拌字血灑厓
山似斗才本穴隱書難寫恨蘭根殘筆尙銜哀十空經在誰能
讀一樣辛酸紙上來

前題

周長庚 辛仲

入地文章劫不灰
齏泥枯盡鐵函開
義熙有淚緘詩稿
本穴無天諱
史才一老巢痕兵
後火百年心血水
中來橋南小妹黃
繩冷歲歲同聲野
祭哀

前題

李宗言 翁曾

眼底殘山本穴灰
文章無鬼霸靈臺
金源舊恨三宮踵
鐵匣奇香累劫開
滿紙罪言忠孝淚
一腔熱血亂離才
吉光片羽南曹

跋留與徵君寫照來

前題

李宗禕

次玉

匣鐵淪精鏤碧苔
黑陰天遣出塵來
毫端蘭氣含秋烈
夢裏梅花冒劫開
捲土心灰悲北狩
禮魂聲慘接西臺
洪荒一點孤臣淚
莫誤遺山野史才

朝雲墓

黃春熙

曜臣

嶺海風波病不禁
天涯草色入愁心
眞經難懺鉛華劫
遺挂空陪笠屐吟
春夢如今長夜盡
奎躔終古小星沈
六如亭是招魂處
宿莽殘煙古碣深

前題

何爾璜

玉璣

六如亭外塔雲深生葬紅簫瘞綠琴松柏西陵同此恨桃榔南
國已成陰哀歌芳草佳人淚春夢蠻花內翰心腸斷嶺南無祭
品墳前親捧荔支臨

前題

周長庚 辛仲

六如亭畔夜沈沈松翠遺窩話故林天女花空珠海月塔仙香
冷玉梅陰十年琴櫬賒鄉土一詔刀環看藁砧聽說西陵邱首
好鄉親蘇小夢痕深

前題

林 葵 怡菴

海天不見綠毛禽蜚雨蠻風日夜侵華撥荒林人酌酒梨花寒
食客沾襟青山陽羨田安在白浪錢塘水又深遮莫館陶寵仙

子彩雲回首易傷心

前題

黃育韓

欣園

海外文章感瘞琴明珠滴淚瘴江深柳綿歌斷當筵夢桃葉恩
辜打槳心富貴一場春夢短角張雙坐小星沈大峨仙子驂鸞
去蕭瑟桄榔佛火陰

前題

林紓

琴南

竹根淒斷塔仙吟瘴水琵琶怨不禁謫宦行藏秋燕影病姬魂
魄杜鵑心詩懷紹聖殘衫冷花落栖禪小碣深僂耳毗陵相向
在端明應不惠州臨

前題

李宗偉

次玉

數楹詩屋渴苔侵淺土埋愁冷到今小刼不圓神女夢清秋曾
慟謫官心梅花墓額春光換迦葉樓頭梵響沈滯魄天涯隨處
有琵琶無語瘴江深

桂林霜傳奇題端

王允哲 又點

文山禁室鬼燈青熒惑流精犯將星一瞥刀光呼鐵象全家兵
禍到銀瓶祠官香火西臺客樂府箏琶北部伶千載桂林雙義
烈稼軒竟死小朝廷

烏江

周長庚 辛仲

百戰羸蹄霸氣窮八千子弟過江空英雄末路羞單舸亭長明
朝起大風天外錦衣粉社遠濤頭頸血劍花紅江東一擲公無

渡微倖人功與狗功

前題

黃育韓
欣園

霸氣銷沈楚帳空
錦衣父老哭江東
沐猴富貴銷秦火
逐鹿河山讓沛公
新鬼未酬阬卒恨
殘兵猶拜大王風
故人慷慨頭顱贈
齒冷封侯呂馬童

前題

李宗典
唐臣

拔山氣盡霸圖空
鬪智無方鬪力窮
唾手不收嬴氏璽
回頭終失楚人弓
恩仇末路雙亭長
上下江流一鬼雄
故里錦衣歸未得
沛中游子已歌風

前題

劉 漸
楚漁

猶色王頭付馬童西來漢幟蔽江紅
神州割據看收局首難英雄肯善終
亞父不亡天意在成皇再誤霸圖空
紙錢一掬游人淚併入靈胥浦上風

追題完顏海陵吳山立馬圖

何爾瓚 玉陰

百萬牙旗控上游汴州刷馬指杭州
英雄未合西湖死粉墨終憐北派留
禍水金源驚殺氣殘山艮嶽洗邊愁
荷花桂子錢塘景一例雲煙過眼收

前題

周長庚 辛仲

傳呼潑墨寫高秋歡喜蠻靴占上頭
南渡江山供睥睨西湖詞拍起戈矛天
低禹穴神州小氣壓錢塘歲幣休三十
二軍南下

日不知人世有瓜洲

前題

林紓

琴南

傳檄風生古汴州
佛狸暮氣飲江流
六年夢寐湖山局
一蹶東南草木秋
肘腋有人窺鄴館
鶯花無地起迷樓
晉陽車騎宣和筆
擬似高洋恐未侔

#52
312.634

廿七年三月廿六日

王隆泰先生贈送

312.634

